

### 0.0.1 anīvaraṇasuttam

1. yasmim bhikkhave, samaye ariyasāvako atthika-tvā manasikatvā sabbacetaso samannāharitvā ohita-soto dhammaṃ suṇāti. pañcassa nīvaraṇā tasmim samaye na honti. satta bojjhaṅgā tasmim samaye bhāvanāpāripūriṃ gacchanti. katamassa pañcanīvaraṇā tasmim samaye na honati: kāmaccchandanivaraṇaṃ tasmim samaye na hoti. vyāpādanīvaraṇaṃ tasmim samaye na hoti. thīnamiddhanivaraṇaṃ tasmim samaye na hoti. uddhaccakukkuccanīvaraṇaṃ tasmim samaye na hoti. vicikicchānīvaraṇaṃ tasmim samaye na hoti. imassa pañcanīvaraṇā tasmim samaye na honti.

2. katame satta bojjhaṅgā tasmim samaye bhāvanāpāripūriṃ gacchanti: satisambojjhaṅgo tasmim samaye bhāvanāpāripūriṃ gacchati. dhammavicayasambojjhaṅgo tasmim samaye bhāvanā pāripūriṃ gacchati. viriyasambojjhaṅgo tasmim samaye bhāvanāpāripūriṃ gacchati. pītisambojjhaṅgo tasmim samaye bhāvanāpāripūriṃ gacchati. passaddhisambojjhaṅgo tasmim samaye bhāvanāpāripūriṃ gacchati. samādhisambojjhaṅgo tasmim samaye bhāvanāpāripūriṃ gacchati. upekhā-sambojjhaṅgo tasmim samaye bhāvanāpāripūriṃ gacchati. yasmim bhikkhave, samaye ariyasāvako atthikatvā manasikatvā sabbacetaso samannāharitvā ohitasoto dhammaṃ suṇāti. imassa pañcanīvaraṇā tasmim samaye na honti. ime sattabojjhaṅgā tasmim samaye bhāvanāpāripūriṃ gacchantīti.